

Etliche thun Wacholderbeeren in die Bierfasser/etliche das Holtz/etliche die borcken/ Vnd das achtet man gut für Giff vnd Venen/ Ist auch nütz zu den gebresten der Nieren vnd Blasen / vnd prouocirt der frawen mensstrua gewaltig.

Von Kirschbieren.

Dß Bier/ machet man fast an allen örtern / Denn es hat erstlich eine gute farbe/darnach einen guten geschmack/ ist einem warmen Magen nicht vngesundt / sonderlich im Sommer getruncken / Etliche zerstoßen die Kirschen mit den kernen/vñ thuns ins Bier/ dauon halte ich mehr / als von der andern art/das man die Kirschen ganz in das Bier thut / Denn obgemelte art ist temperirter/vnd dringet besser durch/von wegen der kerne / vnd bringet den Harm gewaltiger.

Von Eichenbaumien bletter Bier.

Vñ den blettern eines Eichenbaums/machen etliche auch Bier/vñ halten es dafür / das es für die Dysenteriam / oder rotten auslaufft/gut sein solle/ vnd das hat auch seine vrsachen/Denn gemelte bletter/ haben macht zu astringirn / stillen den fluß des
Bauchs